

欽定大清會典事例

欽定大清會典事例卷二百三十一

戶部

鹽法禁例 引自由單

禁例○順治元年覆准場憲照額煎鹽大使親驗按月開報運使如有隱匿以通同治罪其商人不得許濫委雜役行鹽水程填明賣銷地方完日同引繳查不得告改或鹽引焚溺取具地方官印結查實補買○八年

諭巡鹽御史及運司不許於額課外勒索侵剋如有貪縱各官許商民首告治罪○十三年題准鹽政衙門

不許商役互充。○十四年題准。勢豪不許占攬引窩商鋪。不許自定價值。如有專利害民。串通經紀。攬賣勒索等弊。該御史嚴行禁飭。○十六年題准。商人載鹽。不論大小船。均用火烙印記。船頭不許濫行封捉。○又議准。將領衛所官兵。縱兵私販。該州縣官緝拏。揭報叅處。○十七年題准。鹽場設立公垣。場官專司啟閉。凡竈戶煎鹽。均令堆儲垣中。與商交易。如藏私室及垣外者。即以私鹽論。商人領引赴場。亦在垣中買築。場官驗明放行。儻有私販夾帶等弊。該場官役

一併重處。○又題准鹽船過關止納船料。如有藉端盤驗。額外苛求者。以枉法治罪。○又題准凡獲大夥私鹽。必究訊窩家經紀。所過地方有無徇縱。管鹽司道扶同不舉者。一併叅究。不許以肩擔背負奇零小販塞責。○又議准貧民食鹽四十斤以下者免稅。四十斤以上者仍令納課。○又覆准竈丁不許充當衙役。○又覆准口外鹽不許侵入長蘆行鹽之地。如有違越。照私鹽叅處。○康熙五年題准天津大沽鹽船出口。巡鹽御史印給號票。填明人數。地方防汛官弁

查驗放行如無印票及人數不符夾帶違禁貨物者拏獲治罪地方文武官弁疏縱者照所定出境例處分○七年題在州縣衛所官勒令百姓買引私派戶口銷鹽者革職司道府都司不查報巡鹽御史管鹽巡撫失於覺察照例議處○九年題在凡旗人販賣私鹽照例治罪外其主係官罰俸係平人鞭責佐領內管領驍騎校罰俸領催屯長鞭責其馬廠牧人有犯私鹽者領去之營總參領等皆罰俸領催等各鞭責○十五年題在各省該管界內有私煎販賣者係

所管衙役革職。係軍民人等降調。如旗人私煎
販賣。本主自行拏獲者。免議。○十七年題准。與
販私鹽文武失於緝捕者。如不及十人。或十人
以上。不帶軍器。仍照例議處。十人以上。帶有軍
器者。專管官革職。兼轄官降級留任。限一年內
緝獲一半以上者。還職。不能緝獲者。照例革職。
該督撫巡鹽御史提督總兵官。不題參者。照徇
庇例議處。若專管官一年內能獲大夥私販一
次至五次者。分別議敘。兼轄官亦照例議敘。○
二十一年題准。凡私鹽經沿途官兵捕快盤獲。

者。徇縱場官及失察官。一併議處。○二十七年
覆准。各場折課等銀。令竈總分催。各竈自封投
櫃。如劣衿蠹役營充竈總。包攬收納。照包攬州
縣錢糧例治罪。○二十八年議准。私梟全獲。沿
途失察武職免議。○又議准。武職拏獲別汛私
梟者。議敘。○又題准。鹽店設立小票。私畜鹽丁。
概行禁止。有擅用者。照違禁例治罪。○三十年
覆准。十人以上。帶有軍器。與販私鹽。本汛獲賊
一半以上。失察各官。免其處分。本汛未獲。別汛
全獲者。亦免其處分。別汛拏獲少一二人者。仍

照例處分。○又覆准巡緝私鹽係運使專責。令在所轄地方巡緝。毋許差往他方。藉端生事。擾害地方。挾制有司。○三十三年議准。運丁夾帶私鹽。沿途各官失察。詭稱出境者。降調。○三十四年題准。嗣後興販私鹽事發。該管吏目典史知州知縣守備千把總等官失察一次至三次者。照例議處。道府直隸州副將參將遊擊等官失察一次至四次者。照例議處。運使運同運判鹽場大使均係專管鹽務之員。以後竈丁販賣私鹽。大使失於覺察。及知情者。分別處分。運同。

運判照該管州縣官例處分。運使照府道例處分。至關津過往回空糧船官坐船。如有夾帶私鹽在船者。將夾帶私鹽之人。照興販私鹽例治罪。管船同知。通判。守備。千總。文武官弁。知情不報。分別處分。○三十八年。覆准江廣糧艘回空。至揚州關。令押運官弁。於該御史衙門。先遞報單。總漕並該御史。選委能員。公同盤驗。如有夾帶私鹽。將押運官弁。失察各官。一併叅劾。並令龍江等三關。凡遇回空糧船到關。亦一例盤查。如有私鹽。即移報督撫。御史會同題叅。○四

十六年覆准私販致礙官引。皆係積梟巨匪所致。嗣後鹽法衙門將私販之徒。准其用刑拷訊。除正罪外其餘不得濫用刑訊。○四十七年覆准河南陳州舞陽等屬改食蘆鹽。汝甯一府仍食淮鹽。蘆商各守口岸。毋得紊亂經制。永遠遵行。○又議准淮南綱鹽。令該巡鹽御史親行盤查分銷。船至江楚地方。鹽道即給水程。地方官不得藉名盤查。需索挪借。○又覆准巡鹽御史到任。差人坐守各場口。名為緝私。實即射利。急行裁革。○又覆准私鹽之充斥。皆由總商不革。

官自為私。各賣己鹽。以圖一時之利。令將總商革去。違者該督撫即行指叅。○五十六年題准。兩淮河曲。江汊。湖港。海濱地方。皆係私販要隘。嗣後各省棍徒來境私販。地方官失察。照從前九卿所定處分例處分。其地方官有能拏獲私販鹽千斤以上者。將該管官升覈實題請議敘。

○雍正元年

諭國家欲安黎庶。莫先於厚風俗。厚風俗莫要於崇節儉。周禮一書。上下有等。財用有度。所以防僭越。禁驕奢也。孟子亦曰。食時用禮。菽粟足而民無不仁。朕臨

御以來躬行節儉欲使海內之民皆敦本尚實庶康阜登而風俗厚夫節儉之風貴行於閭里而奢靡之習莫甚於商人朕聞各省鹽商內實空虛而外甚奢侈衣服屋宇窮極華靡飲食器具畢求工巧俳優伎樂恆舞酣歌燕會嬉游殆無虛日金錢珠貝視為泥沙甚至悍僕豪奴服食起居同於仕宦越禮犯分罔知自檢驕奢淫佚相習成風各處鹽商皆然而淮揚為甚使愚民尤而效之其弊可勝言哉司鹽政者宜約束商人嚴行禁止出示曉諭諄切勸戒使其痛自改悔庶循禮安分不致蹈僭越之愆而省一日之靡

費。即可以裕數日之國課。且使小民皆知儆惕。敦尚
儉約。於民生亦有裨益。庶不負朕維風振俗之意。若
仍前奢侈。不知悛改。或經朕訪聞。或經督撫叅劾。商
人必從重治罪。鹽政各官。亦不能辭徇縱之咎。○又
議准。杜絕糧船私販。將為首旗丁。按法重處。○
二年。議准。販賣私鹽。交與地方官。不時嚴加查
緝。除奇零肩賣者。不必緝拏。儻有大夥私梟。督
撫會同將軍。撥旗兵協捕。其私販為首之人。與
裝載私鹽之船戶。拏獲一同治罪。拏獲及出首
之人。照鹽數議敘。○又議准。令京口將軍分撥

兵丁於揚子江之三江口瓜洲揚州口等處巡查私鹽。○又議准嗣後如有積梟藉稱貧民將私鹽潛行窩囤興販貿易者令地方官弁及鹽政衙門一同稽查。○又覆准令各省管鹽督撫巡鹽御史將商人每年應完錢糧務於奏銷限內照數完納如有拖欠即將該商革退引窩別募殷實商人承頂所欠錢糧著落該商家產追賠其原出結各官交該部嚴加議處如有通同徇隱以欠作完等弊於發覺之日將該管各官一併從重治罪。○四年議准回空糧船經過產

鹽所在該地方文武官弁不行力催任其逗遛與游客囤戶等私相交易致有夾帶之事者將該地方文武官弁並押空官弁叅劾照例議處運丁游客囤戶等照販賣私鹽人等例加等治罪該管鹽務運使等官掣鹽出場務將餘鹽嚴行巡查不許夾帶如有徇隱疏縱發覺之日將運司等官令該巡鹽御史照失察私鹽例題叅議處其竈丁人等亦照販賣私鹽律治罪○又覆准每年糧船回空之時於瓜洲江口分委瓜洲營弁協同廳員實力檢查○又覆准糧船旗

丁水手南北往返必須食鹽准其於受兌上船處每船帶鹽四十斤於交卸回空處亦准其帶鹽四十斤多帶者同私鹽例從重治罪○六年議准拏獲私販本犯脫逃者即將裝帶私鹽之腳夫水手拘獲到案詳究本犯蹤迹勒限務獲照例於私販上加治逃罪售與之人亦照私販例治罪其腳夫水手分別懲治若大夥興販照強盜例勒限嚴緝地方文武官弁照溺職例議處○又議准拏獲私鹽務將人鹽數目據實詳報如有將私鹽入己或與各役分肥不行據實

詳報並大夥拒捕之案以多報少者即將該管
官弁指名題叅計贓治罪其有未經侵匿者照
徇隱例處分上司知情故縱及雖不知情未經
揭叅或於別處發覺者將該上司照失察例分
別議處○又題准拏獲私鹽必詳究其買自何
地賣與何人一併取具確供照興販私鹽例治
罪若買自場竈將該管場司並沿途失察各官
題叅議處其不行首報之竈下照販賣私鹽例
治罪儻承審官不究私鹽之來由草率完結亦
照例叅處○又議准嗣後拏獲私鹽計其斤數

之多寡。定罪名之輕重。如三千斤以下者。仍照例擬以杖徒。三千斤以上者。即照越境販鹽例。問發邊衛充軍。○七年題准。山東永阜等場。灘廣鹽豐。率皆露積。應於各場適中。設立鹽坵。除計口量留食鹽外。其餘鹽儘數運入官坵。按季造冊出結。送運使察覈。○乾隆元年

諭。私鹽之禁。所以除蠹課害民之弊。大夥私梟。每為盜賊逋藪。務宜嚴加緝究。然恐其輾轉株連。故律載私鹽事發。止理人鹽。並獲其餘獲人不獲鹽。獲鹽不獲人者。概勿追坐。至於失業窮黎。肩擔背負。易米度日。

不上四十斤者。本不在查禁之內。蓋國家於裕商足課之中。而即以寓除姦愛民之道德意。如是其周也。乃近見地方官辦理私鹽案件。每不問人鹽曾否。並獲亦竟不問販鹽斤數多寡。一經捕役汛兵指拏。輒根追嚴究。以致挾怨誣攀。畏刑迫認。干累多人。至於官捕業已繁多。而商人又增私雇之捕。水路又增巡鹽之船。州縣毗連之界。四路密布。此種無賴之徒。藐法生事。何所不為。凡遇姦商夾帶大梟私販。公然受賄縱放。而窮民擔負無幾。輒行拘執。或鄉民市買食鹽一二十斤者。並以售私拏獲。有司即具文通詳。照

律杖徒。又因此互相攀染牽連貽害。此弊直省皆然。而浙江尤甚。朕深為憫惻。著各省督撫嚴飭各府州縣文武官弁。督率差捕實拏姦商大梟。毋令疏縱。其有愚民販鹽四十斤以上被獲者。照例速結。不得挖累平人。至貧窮老少男婦。擔負四十斤以下者。概不許禁捕。所有商人私設鹽捕巡船幫捕汛兵。皆嚴飭停止。毋得滋擾地方。俾良善窮民得以安堵。○又題准六十歲以上十五歲以下及少年之有殘疾者。其婦女亦止老年而孤獨無依者。許其背負鹽四十斤。易米度日。如不合例之人。概不許藉

端興販其稽查之法。令於本縣報明。驗實註冊。給以印烙腰牌木籌。每日卯辰二時赴場買鹽。擔賣。一日止許一次。並止許行陸路。不許船載。○又覆准沿河文武官兵。凡糧船經過。在於河干竭力稽查。除留食鹽外。其餘夾帶之鹽。照私鹽例入官。○十七年奏准。長蘆堆鹽之地。梟棍匪竊。每肆偷扒。以致商竈不敢多積。令場員照例製造烏槍。上刻場名。編號註冊。每灘坨發一二杆。擇老成謹飭之役。給予收執。遇有匪竊。施放恐嚇。仍令該鹽政不時稽查。如有輕行施放。

者將該管場員照例叅處其各灘坵增造烏槍之時仍令冊報兵部察覈○十九年覆准兩淮各場如仍有地棍姦竈將蕩草私販漁利除民竈各犯按擬治罪外其不行查禁之該管場員分司州縣各官照例叅處如遇產草極豐之年供煎有餘紅草仍聽酌量轉售白草雖遇豐收禁止販賣○二十四年覆准江蘇范隄內外蓄草蕩地除乾隆十年以前舊墾地畝仍留播種外概行禁止嗣後如有竈戶圖利私墾致礙淋煎照盜耕官田律治罪該分司場員自行查出

免議失察之分司場員照例叅處。○二十七年覆准揚州江都甘泉二縣拏獲私鹽分給各食鹽口岸抵配額引照依該口岸之例納課仍交變價銀兩。○二十八年議准各場商運鹽斤船戶勾通梟販盜賣爬搶等事呈報地方官詳報鹽政詳查確實准其與淹消鹽斤一例補運所失鹽斤於各犯名下追變解部充餉如商人自行串賣捏報搶竊照私鹽例從重治罪至商廩呈報地方官抑勒不行准理一經查出指名叅處。○二十九年覆准糧船每隻准帶食鹽四十

斤至經過查鹽處所將食鹽擺列船頭聽官查驗零星秤出餘多之鹽每船不得過二三斤如有多帶入官變價充公不得以私鹽混報致滋擾累。三十四年議准州縣官拏獲私鹽概照本地官鹽價值悉令遵照定例交商一律變價入官毋任胥役領賣滋弊至拏獲牲畜價值今昔不同每等酌加銀二兩如有延挨不管以致倒斃者著落州縣官照現定之中等價值賠補至車船等項務按新舊大小照依時價據實報解。三十五年奏准湖北宜昌設卡處所自東

湖縣屬平善壩立卡盤驗又自平善壩至南津關設立巡役巡船專司堵禦又自津關至西壩令宜昌通判分派巡役督率稽查自西壩至白洋河設立巡船巡役稽查○又議准江西吉安府屬阜口等五處凡山僻小徑要隘處所多撥兵役協同卡巡常川巡緝即尋常偷漏小販有犯必懲其獲犯兵役立即獎賞該管員弁能拏獲積窩巨販者奏請議敘儻或兵役巡緝不周以及賄縱等弊即行分別嚴行究處該管官並即嚴緝○三十七年議准雲南井官縱容竈戶

攬和沙土者。提舉大使。比照白土攬入漕糧。運
弁與押夫千總。不行查禁。例竈戶。比照丁舵。已
經攬和例。分別議處。究治。失於覺察。井員。量減
一等。知情受賄。照枉法贓從重治罪。在井查出
勒令竈戶照數改煎。發運出井。著落井官名下
追賠。如承銷州縣。明知鹽斤攬和。瞻徇容隱。一
體著賠。叅處。各井員於每年開煎時。將樣鹽送
巡撫衙門。驗發鹽道收儲。如分發各屬行銷。仍
有夾帶泥沙。許各地方官。將原鹽呈驗。叅究。○
又議准。雲南省北連川。蜀東抵廣西。昭通。東川。

二府屬例食川鹽。廣南開化二府屬例食粵鹽。鄰私竄入。有經由津隘。應於匪歸總路分設巡鹽員弁。酌帶兵役駐紮。專司緝捕。至本地私販在井透漏。責成提舉大使。在途透漏。責成經由州縣嚴密稽查。如井員地方官緝究玩弛。分別失察知情叅處。至開化蒙自臨安等府州縣南接交趾諸沿邊界。一併嚴密巡禁。○四十一年議准。長蘆行鹽地界。不准蒙古鹽斤侵越。違者照私鹽例。其直隸宣化府屬延慶保安蔚州宣化懷來西甯赤城萬全龍門懷安等十州縣食

蒙古鹽斤不在禁例。○四十二年覆准山東沂州府河工通判改為沂鄆海贛通判兼管緝私。並於兩省私鹽出入之龐家渡口移紮把總一員巡查盤詰於大興鎮千總所轄兵丁內撥給十名以供差巡。○又覆准河東鹽地添設總巡一員巡役二十名在三禁門總卡路口並運城卸鹽垣店左近稽查以防諸弊。○四十三年奏准大夥梟徒拒捕傷差之案一經審究得實將得贓包庇之兵役問擬斬候私售之竈丁及窩囤之匪犯一體擬發伊犁烏魯木齊為奴。○四

十五年奏准山西迤北口外鄂爾多斯阿拉善山一帶產鹽甚多且與內地相近必有匪徒興販嚴飭文武官弁督率兵役於通衢及各要隘實力查拏躡緝務使口外私鹽不許絲毫偷入內地儻有不實心查禁者嚴叅示儆○四十六年議准四川重慶一帶入楚船隻零星食鹽仿照巴東易食零鹽之例每船不得過十斤以上儻有任意售賣過數除買鹽越販者照例究擬外其賣給多鹽之鋪即以通同貨賣例治罪○四十七年覆准山西民人販運蒙古口鹽接濟

止許在應食土鹽處所售賣。不得侵越商銷池鹽引地。嚴飭文武員弁。於要隘處所實力稽查。以防透漏。儻經發覺。嚴叅議處。○五十四年議准粵省虎門紫泥廠梘甲柵蕉門四處。令局商設立巡船召募巡役。由守口員弁兼同晝夜巡緝。苦竹派梅萊鎮平塘江口等三處。亦令局商自行設卡。責成地方官派役巡緝。至鹽船入口到關及局商分運各櫃。均由運司飭知沿途汛口地方官催趲前進。儻有遲逾。分別追罰治罪。以杜稽延偷賣。並將無私可截之三水韶州兩

關概行裁撤。○五十六年議准行銷淮鹽之江
西。湖廣。江南。河南。各省。無論巡役兵民。但能拏
獲梟販者。將所獲鹽貨車船頭匹。全行賞給。其
所賞鹽斤。許該巡役兵民攜赴就近官商鹽店。
令商人查照現賣時價。八折給領。鹽斤由商轉
銷。所賞車船頭匹。獲犯之日。准該巡役兵丁自
行看管。定案後。准其自行變賣。儻兵役等仍敢
包庇縱私。一經民人告捕緝獲。將該管官弁嚴
行叅處。兵役與梟販一體治罪。如獲鹽不獲人
者。將鹽貨車船頭匹。概以一半給賞。一半變解。

兩淮運庫充公。六十年議准河南南陽府屬之南陽唐縣鄧州桐柏內鄉新野淅川等七州縣向食河東池鹽鄰近楚省淮鹽綱地池私易於透漏其不與楚毗連南陽縣之賒旗店為池鹽總匯之所瓦店為水陸扼要之區其與楚省毗連及距一二里至十數里者唐縣之倉臺鎮張博士店湖河四莊黑龍鎮鄧州之都司衙劉家集夏莊小孫莊魏家集張家店玉皇閣孟家樓桐柏縣之鍾家岡姚河集出山店固始集月河店內鄉縣之順陽川黨子口高家岡新野縣

之趙家橋焦家灣水臺村梅家灣新店鋪文家橋觀音寺黃家集張家集袁家灣大石橋浙川縣之荆子關白亭店李官橋等水陸要隘共三十七處均應督飭地方文武員弁協同兵役在於該處設卡巡防晝夜實力躡緝遇有私梟越楚查拏究辦○嘉慶五年奏准雲南各井鹽斤督飭井員查禁竈私偷漏並嚴飭迪東之曲靖開化臨安等府文武派撥兵役於各要隘認真巡緝如有川粵私販侵越入境即行擒拏報解儻敢懈縱嚴叅究處○又議准河東鹽池課歸

地丁將河東蒙古鹽斤酌定限制以杜侵越口
鹽由河運磧口鎮責成汾州府派委妥員輪班
駐紮該處彈壓稽查遇口鹽船隻到鎮押令起
岸堆儲零星販賣儻委員責放經下游地方官
拏獲或被訪聞嚴叅究辦黃河對岸陝西地方
令陝撫查禁至河東池鹽由茅津渡上游各渡
口過河責成河東道派委妥員輪班駐紮會同
該管縣丞遇商販赴豫鹽斤務須押令對渡登
岸陸路轉運毋得順流直下儻有賣放嚴叅究
辦令豫省一體嚴查免致侵越淮蘆引地○二

十一年奏准江西省准引滯銷由鄰省私鹽侵越所致應於要隘處所分派文武員弁各帶兵役堵緝需用經費在於商捐項下支給閩省私鹽於新

城縣之杉關派武職一員帶兵五十名盤湖隘派文職一員帶巡役三十名堵緝南豐廣昌一路私販於金谿縣之許灣派武職一員帶兵五十名甯都州之駱口派武職一員帶兵三十名查緝浙省私鹽於石港派文職一員帶巡役三十名設巡船二隻安仁西門之藍橋派武職一員帶兵三十名水陸分緝粵東私鹽於萬安之五里隘派武職一員帶兵五十名泰和之白洋坳派武職一員帶兵五十名

地方汛弁督率兵丁常川巡緝本營上司將派緝各弁職名半載比較一次按本州縣銷引溢

缺分數咨部議敘議處又緝私弁兵准攜帶鳥

槍編列字號官為給發

如無官編字號即屬私帶俟梟販稍

戢即行停止若零星小販及大夥非持械拒捕

者該弁兵混行槍斃仍照凡人鳥槍殺傷例問

擬○二十三年議准山東省界連江南之大興

鎮並私鹽出入之龐家渡口江南省之鎮江

海州沭陽之龍苴集高郵寶應至甘泉縣境之

六牐鳳凰壁虎等橋

江廣糧船由之地儀徵縣之沙漫

洲北新洲老虎頭黃連港

船網掣引鹽並鹽湖北

省東湖縣之平善壩南津關西壩白洋河川省私鹽

出所襄陽縣之東石臺湖。鄢家埠。蔡新集。上

泥河。正北鄉。破碑鋪。喬家岡。清涼寺。北路井。西

北鄉。淨土寺。黑龍集。棗陽縣之寺莊店。應山縣

之平靖關。吳家店。漿溪店。花山店。許家冲。隨州

之小林店。岩子河。鄰近河南省新野鄧州。信陽等州縣地。江西

省吉安府之阜口等五處。南康府之青山。淮鹽入江

門新城縣之盧家嶺。山岡口。杉關。盤湖。隘南城

縣之水濺架。南豐縣之百丈嶺。夫人嶺。瀘溪縣

之椒溪等五處。又朱崖。藻坪。陳坊。貓兒嶺。脊饒

州府之德興。浮梁。二縣。安仁縣之藍橋。石港。長

塘金谿縣之許灣甯都州之駱口萬安縣之五

里隘泰和縣之白洋坵贛縣之攸鎮磨角地方

閩浙粵東三省私鹽出入之所湖口縣之梅家洲北姑塘江西同空

私鹽出之河南省南陽縣之賒旗店瓦店河南東陸

扼要處唐縣之倉臺鎮張博士店湖河四莊黑龍

鎮鄧州之都司衙劉家集夏莊小孫莊魏家集

張家店玉皇閣孟家樓桐柏縣之鍾家岡姚河

集出山店固始集月河店內鄉縣之順陽川黨

子口高家岡新野縣之趙家橋焦家灣水臺村

梅家灣新店鋪文家橋觀音寺黃家集張家集

袁家灣大石橋浙川縣之荊子關白亭店李官

橋水陸要隘三十七處

毗連楚省准鹽綱地

廣東省番禺

縣之虎門紫泥廠梳甲柵蕉門惠州高州廉州

等府之苦竹派梅菴鎮平塘江口雲南省之曲

靖開化臨安等府均於扼要處所由各該督撫

飭委文武員弁認真堵緝私鹽毋稍疏縱仍禁

止兵役藉端勒索如各員弁不能實力整頓或

私販不即查拏或勒索不加懲治該督撫即據

實指參照例議處該管各上司一併查明參奏

○又議准江西省建昌饒州二府屬各要隘地

方設卡分巡遴選文武員弁與各本處營汛弁

兵協力堵緝俱以半年考覈一次查明各處獲

私多寡銷引溢缺分數由巡撫會同鹽政覈實

具題分別議敘議處

江西省准引滯銷由各鄰私侵越所銷凡緝私一切

經費俱奏准由商人捐給○又議准凡拏獲私鹽數在三百

斤以上者將買自何人何地及窩頓之人訊明

確據開提審究按律懲治若審出買自場竈將

該管場員並沿途失察各官一併題叅竈丁按

私販例治罪承審官率混詳結者並予叅處○

又議准引地交界處所鄰商鹽店止准開設數



處餘俱移至三十里外以杜侵越。又議准河東池鹽皆由茅津渡上游各渡口過河責成河東道委員輪駐會同地方官巡察遇商販赴豫鹽斤押令對渡登岸陸路轉運毋得順流直下。儻委員等漫不經心一經下游地方拏獲或被訪聞該管上司立予嚴叅並令豫省一體查禁以杜侵越淮蘆引地。二十四年覆准江南浙江等省附近場窰地方貧難小民年六十歲以上十五歲以下及年雖少壯身有殘疾並婦女年老孤獨無依者報明州縣註冊給予印烙腰

牌赴場販鹽四十斤售賣

准行陸路
不許船載

每日止許

一次。儻有更番疊出。積少成多。或串雇貧民。代為分拆零售者。嚴拏究辦。其山西大同。朔平。甯武等屬。並口外歸化城。清水河。薩拉齊。和林格爾。豐鎮。甯遠等廳。向食鄂爾多斯。蘇尼特。兩處鹽斤。亦仿照江浙等省之例。准每人肩挑背負鹽四十斤。過此即以私販論。○道光十一年

諭。盧坤等奏籌銷楚岸積鹽。並查出重斤。懇恩從寬罰令量減售價。以便民食。一摺。楚省額銷准鹽。據該督等查明現報存岸及載運在途鹽數。已有六十一萬

餘引之多。幾佔一年銷額。並查出短少鹽包及重斤夾帶之弊。本應將該商船戶廝夥等分別究懲。因人數過多。懇恩寬其既往。責令該商減價售賣。以溢出之重斤抵補減售之價值。於商本不致大折。可以稍示薄懲。所有查出重斤著加恩一體免其究辦。罰令各商每包減價一成售賣。以期速銷。其辛卯綱到岸新鹽。毋得仍前套搭。並著此後查照奏定章程。由淮實發水腳。嚴禁扣價買裝。以杜帶私盜賣諸弊。至現在存岸鹽船有厯一年十月之久。尚未開封者。雖到船月分多寡不一。儘可酌數開售。著照所議。上年正

二三四等月。到岸最久之船。計五萬餘引。合為一次。先行儘開。其在後月分。到船數多者。一月一開。到船數少者。併為兩三月一開。總期廣為疏銷。俟新綱運岸。隨到隨售。永除封輪名目。其在揚在楚。浮費現已逐加釐剔。著該督隨時稽查。俾成本永遠輕減。民間無虞食貴。並著督飭所屬嚴緝鄰私。仍於漢岸江船聚集之處。酌派幹員。設卡稽查。以杜盜賣淹消各弊。該督等務當認真整頓。俾積弊悉除。釐務日有起色。不可有名無實。致干咎戾。○又

諭楊國楨奏行銷淮鹽引地籌議章程一摺。前因陶澍

奏准鹽行銷引地散在各省請飭一體巡緝當經降旨飭令該督撫各就地方情形妥議章程明示懲勸茲據楊國楨覆奏河南汝甯府並光州所屬十四州縣例食淮鹽該撫於上年親往查辦水路隘口添設卡座責成地方員弁隨時巡邏杜絕私販現在明定懲勸章程咨會兩江督臣飭令該商迅速運鹽到岸俾梟販擒匪無從乘隙為姦其毗連楚省地方並咨明該省督撫飭屬堵緝以杜偷越著照所請嗣後豫省行銷淮引如果地方官緝私出力督銷三年如額即咨部量予議敘如督銷不力或巡緝懈弛即嚴行

叅辦並著兩江總督嚴飭淮商辦運迅速到岸毋蹈
從前稽遲懸引積弊其行銷潞鹽南陽府屬界連楚
省淮鹽引地著湖廣總督湖北巡撫一體飭屬堵緝
各該督撫等務當恪遵前次所降諭旨督飭地方文
武員弁無分畛域併力緝巡俾官引暢銷私販淨絕
毋得日久生懈致干重咎○又

諭

湖南郴州所屬永興縣地方例食粵鹽與淮鹽引地
交界粵商開設子店本係行銷生鹽近來粵商藉海
船艙底沙泥准其煎熬零售遂至開設熬鍋至一百
數十口之多將生鹽煎熟充作淮鹽越界售賣以致

楚省漸形缺額必應嚴定章程各守地界著李鴻賓
即遴派廉明誠實之員前赴郴州會同衡州府知府
詳勘情形酌定熬鍋額數永定限制毋許私增多設
按年取結報部以杜侵越○又

諭盧坤等奏整頓鹽務設立章程一摺楚岸淮引滯銷
皆由內私外私占塞銷路而治內私尤亟於堵外私
現經該督等遴選幹員專駐江船聚集之塘角設立
總卡稽查並派員幫同巡察即查出郭漢玉鹽船船
戶盜賣等情在漢關盤獲李之連私鹽萬餘斤又續
獲劉大富等雇船裝運腳私二起計重三萬七千餘

卽並查近年鹽船動輒捏故淹消多有划船乘機搶奪現飭員會同總卡委員各派丁役不分晝夜在於各壩口梭織巡邏遇有捏漏淹消搶鹽划船盜賣輕載卽分別查拏驗究其江干渡划擺江漁艇等船舊有編號章程業飭各該縣轉飭汛員督率保甲將所管水面船隻分類編號大書姓名各歸各埠造冊報縣送總卡稽查並將存河鹽船按幫取具連環保結俾盜賣者鄰船卽行舉報辦理尚屬周密如果各該縣暨委員認真稽查將帶私之船遇案獲究淹消盜賣之風自必斂戢惟所拏必須私梟大夥方准奏請

鼓。勦。該。督。等。務。當。嚴。飭。所。屬。實。力。巡。查。使。積。弊。胥。除。
官。銷。日。見。暢。旺。以。肅。釐。政。○又

諭。陶。澍。奏。酌。定。楚。西。等。省。鹽。船。到。岸。限。期。並。委。員。巡。緝。

以。杜。夾。帶。盜。賣。一。摺。楚。省。商。運。江。船。行。走。限。期。舊。例。
已。為。周。密。惟。運。鹽。至。江。西。省。向。未。定。有。限。期。據。該。督。
查。明。程。途。比。較。楚。省。限。期。酌。定。著。照。所。議。小。船。定。限。
二。十。日。中。船。定。限。三。十。日。大。船。定。限。五。十。日。責。成。淮。
南。監。掣。同。知。於。商。人。雇。船。運。鹽。前。赴。楚。西。視。引。數。之。
多。寡。定。雇。船。之。大。小。以。裝。滿。九。分。為。率。不。許。留。有。空。
艙。致。多。夾。帶。至。安。徽。河。南。各。口。岸。鹽。船。既。分。江。湖。兩。

運兼有換船起剝之處。其船並無大小。著以淮安城北烏沙河開運之日起。定限每日行三十里。將盈補。紂按程途之遠近。扣日期之多寡。責成淮北監掣。查驗開行。均不得留艙夾帶。仍將開行及到岸限期。並喫水尺寸。另給催趲限單。抵岸報驗。由各該鹽道認真查對。儻有中途風水阻滯。照楚省舊例。准其據實呈報。如逾限不到。即行查辦。至夾帶賣私之弊。楚西一路為尤甚。往往鹽已賣盡。即捏報淹消。從前曾委武職員弁巡緝。嗣經裁撤。著仍復舊規。每年酌委參遊守備。或文職二員。自儀徵大江溯流巡緝。至湖口。

分路一往江西。一往漢口。仍由原路查回儀徵。換員前往接巡。責令訪查夾帶賣私捏報淹消等弊。並令沿途催趲行運。毋任稍有逗遛。其所委之員。該督仍隨時查察勤惰。分別勸懲。總須認真辦理。杜絕諸弊。俾鹽引暢銷。鹺務日有起色。不可虛行故事。日久仍視為具文。○咸豐十一年

諭勞崇光奏鹽務緝私緊要請在隘口設立排船一摺。廣東鹽務積疲日久。私販充斥。以致官引滯銷。課項徵收短絀。北江一帶。梟匪聯幫販私。持械拒捕。大為鹽務之害。著照所請。所有清遠縣屬白廟地方。即添

設排船。製備槍礮。編立字號。發給兵役。遇有大夥私
匪。執持火器軍械抗拒。即格殺毋論。如零星私販。並
未拒捕。仍照常緝拏。不得概行施放槍礮。並著勞崇
光遴委公正文武大員前往。常川駐紮。督同緝私員
弁兵役。嚴密查緝。認真辦理。以肅鹺綱。○光緒元年
諭。御史王立清奏。辦理釐鹽各局。請明定章程等語。
各省抽釐分局。及江皖兩湖等省。督銷兩淮票鹽
分局。各該州縣。往往以本籍紳士。經營弊竇叢生。
亟應嚴行禁止。著各該省督撫。及鹽政衙門。嗣後
委辦釐鹽各分局。不准用本州本縣紳士。其已委

者即行裁撤。並將委員職名籍貫。年終報部以憑查覈。

引目由單。○順治元年定。寶泉局刊鑄銅版。刷印鹽引。每引納紙硃銀三釐。附同正課交都轉鹽運使司。按年解部。以供刷印。○三年。差官督理淮浙引務。加戶部侍郎銜。駐紮揚州。○六年。鑄戶部鹽引印。以鈐鹽引。○七年。停差督引部院。仍令鹽運使司官吏赴部關領。○十三年。定巡鹽御史。先領二季鹽引赴任。其二季仍委官赴領。○康熙十一年。鑄戶部鹽茶銀印二顆。鈐

鹽茶各引。○十二年定長蘆山東河東南淮南
浙每年四季鹽引。豫支戶部庫銀刷印。交新差
御史帶往。俟解到紙硃銀補庫。○十六年題准
將長蘆各場竈戶地丁錢糧。自十八年為始。刊
刻由單。分送本部戶科查驗。散給各竈戶。○二
十八年議准。場竈向無全書。刊刻易知由單。易
於稽覈。不必造賦役全書。○三十年覆准。鑄戶
部山東司鹽引之印二顆。鈐各鹽引。○三十五
年覆准。鑄鹽引銅版長蘆十有一塊。山東六塊。
河東六塊。兩淮十有四塊。花馬大池一塊。小池

三塊漢中府西和漳縣二塊兩浙八塊四川一塊福建四塊兩廣八塊○六十一年覆准令寶泉局照舊式鑄造新版六十四塊其模糊舊版即交銷毀○乾隆六年題准鑄換鹽引新版六十四塊其舊版即繳銷○十三年定各省由單均解交戶部以備稽查○又題准新鑄鹽引銅版長蘆十有一塊山東六塊河東六塊兩淮十有四塊福建八塊兩浙八塊四川一塊兩廣八塊其花馬大小池西和漳縣毋庸鑄換舊版交與寶泉局銷毀○又定例各省鹽引每於歲終

各該督撫鹽政。差委官役赴部請領。部按其請領之數。刷印發給。○五十三年題准。換鑄銅版六十塊。兩淮十有四。長蘆十有一。山東六。河東六。兩浙八。廣東八。福建八。四川二。花馬大池二。花馬小池二。漢中府一。漳縣今改爲鄉。西和一。舊版交寶泉局銷毀。○五十八年題准。換鑄山東司鹽引銅印二顆。舊印繳銷。○六十年題准。換鑄兩淮。長蘆。山東。兩浙。廣東。福建。四川。花馬小池。漳縣。西和等九處銅版六十塊。其河東。陝西。花馬大池。漢中府。三處。課歸地丁。原定銅版八塊。毋

庸換鑄。舊版交寶泉局銷毀。○嘉慶三年題准。
換鑄戶部鹽茶銀印二顆。山東司鹽引銅印二
顆。舊印繳銷。○又定。商人領運引票。在河內失
水。呈明地方官詳查確實。結報鹽政。運司。鹽政
印給照票。飭商補運鹽斤。在大江失水。州縣官
會同營員查勘確實。限一月內通詳鹽道。於州
縣詳到日。起限半月內。數轉鹽政印給照票。飭
商補運。限三箇月。過所運岸。若係殘引殘票。失
火失水。所有遺失引票數目。由營汛地方官出
結。鹽道加結。申報督撫鹽政。覈實送部。仍於奏

銷冊內聲明題銷。至補給印票。同殘引一併繳
部。儻有姦商捏報。查究治罪。營汛地方官。或有
藉端勒索。及通同捏報。一併查參。分別究擬。
同治十二年定。運商窩單。即令照窩行運。不必
官為定價。止准按綱給單。不准豫請數綱售賣。
如本窩力絀。不能運鹽。或不願自行辦運。准其
售於新商認運。不准轉賣於不行鹽之人。儻該
商於開綱後。並不投滾辦運。又不退與新商。即
由運司提窩改簽。以杜流弊。○附載戶部為鹽
引式法事。山東清吏司案呈。照得處某鹽法。題准各項

事例除通行遵奉外。所有引目。除場竈丁人守

禦官吏軍民權豪勢要官運鹽貨偷取插和場

戶運鹽攜帶軍器諸人買食私鹽載鹽不用官

船七款。另文申飭外。其題定鹽斤繳引二款。

准照行安徽江西湖廣河南等處者並行鹽地

方。合行開列。鑄造銅版印刷引目。給付客商收

執。照鹽前去發賣施行。須至引者。

客商賣鹽。每引行鹽若干斤。為一引。給半印引

目。每引完納引價。隨即給引支鹽。一凡客商興

販鹽貨。不許鹽引相離。違者同私鹽追斷。如賣

鹽畢十日內不繳退引者。答四十。將舊引影射

鹽貨同私鹽論罪。偽造鹽引者處斬。以上二款各省同。

一起運官鹽。每引三百六十四斤為一包。經過

批驗所。依數掣摺秤盤。但有夾帶私鹽。隨發有

司追斷客商貨賣官鹽。自揚子江至湖北襄陽

俱係經過官司辨驗。如無批驗所掣摺印記者。

答五十。押回盤驗。此款止裁兩行鹽地方。有

所行地名總裁一引者有分裁二三引者均詳列某省某府或某府某縣。右引付客

商某收執。照鹽准此。某年月日。

欽定大清會典事例卷二百三十二

戶部

漫務

山場

額課

關汛巡防

山場○原定八旗分山採漫彼此不得越境○
康熙二十三年奏定嗣後八旗俱往烏蘇里等
處採漫其分山各入之例暫行禁止○四十八
年議定甯古塔瑪彥窩哩別派綏哈河伊拉莫
河等處地方所產之漫專備

上用不准常人採挖○雍正八年奏准烏蘇里綏芬
等處漫山開採二年停歇一年其停歇之年在

額爾敏。哈爾敏地方開採。○又奏准。烏蘇里。綏芬等處。淺山。招商開採。○十年議准。烏蘇里。綏芬。甯古塔等處。分年採淺。又甯古塔。綏哈河。伊拉莫河。綿河。山。雅滿山。自康熙四十八年禁止採取。至今二十餘年。嗣後甯古塔五處。分為一年。烏蘇里。綏芬。分為一年。○乾隆九年議准。烏蘇里等處。放票收淺。試開二年。停止一年。或連創三年。歇山一年。○十年奏准。額爾敏。哈爾敏地方附近禁山。其二道江。即額和訥音。關繫長白山風水。未便令其開採。嚴行飭禁。○二十三年

奏定。向來烏蘇里綏芬地方。刨蕩二年。歇山一年。其歇山之年。額爾敏哈爾敏。仍行官票。今額爾敏哈爾敏官票。禁止已經數載。烏蘇里綏芬放票事件。暫停一年。次年或令二處並行試放。仍俟試辦一年後。如有應行增減之處。再行斟酌。定議具奏。○又奏准。二道江刨蕩處所。距長白山百有餘里。刨夫採蕩。不過深至一尺。似與風水無礙。不必禁止。又

盛京距吉林甚近。二處可同放蕩票。○二十四年奏准。

盛京吉林甯古塔同放漫票。本年暫就各處給領。如遇額爾敏哈爾敏歇山。僅放烏蘇里綏芬漫票。再通行曉諭。

盛京人等。行令該處由彼領票。○三十五年奏准。黑龍江之蒙古魯山。亦令試放漫票。由吉林烏蘇里綏芬漫票內辦給。○四十七年奉

旨。吉林伯都訥等處。著於次年。起歇山一二載。嗣後。創採數年。即歇山一次。○又奏准。

盛京額爾敏哈爾敏漫山。嗣後。請創採二年。歇山一年。○又奏准。吉林所屬大山。烏蘇里綏芬。小

山。羅拉米瑪延英額嶺。自四十九年起。各放票二載。嗣後大小山林。輪換歇山。○又奏准。綏芬烏蘇里等山內。有二千餘里。綏芬係甯古塔所屬。須由陸路前往。烏蘇里係三姓所屬。須由水路前往。入春以後。令該處副都統分路按查。於所至之極處。各懸新牌。換回舊牌。嗣後歇山之年。均照此辦理。○又奏准。黑龍江所屬蒙古魯山。請將行票之處。暫行多歇數年。令黑龍江將軍嚴行飭禁。○四十八年奏准。

盛京歇山以後。雖嚴行查拏。尚有偷竄之弊。歇山

實屬無益。請自次年起。照常行放。漫票。○五十八年奏准。黑龍江所屬蒙古魯山。歇山。已經數載。仍應放票。本年即由吉林羅拉米瑪延。漫票。內填寫放給。次年再請領票。○五十九年奏准。烏蘇里。綏芬。及英額嶺兩路。分年開創。按查看情形。妥為籌辦。○嘉慶七年奏准。吉林毋庸歇山。仍照舊開採。

額課。○原定。王以下。公以上。許遣壯丁於烏喇。地方採。漫。效力勤勞大臣。亦許遣壯丁採。漫。○順治五年議定。停止大臣採。漫。○康熙二十三

年奏定。舊例親王壯丁一百四十名。郡王壯丁一百名。貝勒壯丁八十名。貝子壯丁六十名。鎮國公壯丁四十五名。輔國公壯丁二十名。奉國將軍壯丁十八名。奉恩將軍壯丁十五名。每名給票一張。採淺以護衛為長。無護衛派包衣為長。遣往時由

盛京協尉官兵帶往採取。八旗內有買淺販賣者。由戶部給票。令買淺之人前往

盛京開原等處收買。不准於採淺處買取。每票一張。人。不准踰四名。馬牛不准踰十匹。共給票三

千一十九張。○三十六年議准。八旗王貝勒貝子公等領票採淺。咨送山海關秤量淺數。計定額之外。所得之淺。該監督照例收稅。又八旗買淺販賣者。持該旗印結咨送戶部。戶部給票。持赴稅官記案。出山海關。入關時該監督照數查明收稅。○四十年議定。開採淺山。創取人淺。交內務府辦理。○四十八年奉

旨。令烏拉打牲滿洲等採淺。每年交送一千斤。其餘作價。○又議定。烏拉打牲滿洲壯丁。共派出一千三百名。十人一長。將軍衙門給予印票。註明十人姓

名。烏拉打牲滿洲總管。給予

盛京關防印票。亦註明十人姓名。著派協尉等官
各督所屬。自備資斧採獲。○又

諭。採獲人照鹽引給予獲引。所得之獲。分為三分。兩分

交戶部。發崇文門監督變價。一分交盛京將軍衙門。
按時價折給採獲兵丁。其折價之獲。仍送戶部作價。

○又議定。每引一張。例獲十兩。滿洲人等初次
採獲。引數難以豫定。待試採一年。酌量各處所
得獲數。再行議定引數。由戶部領予萬斤獲引。
盛京將軍所屬。發給四千斤獲引。甯古塔將軍所

屬亦如之。烏拉打牲總管所屬發給二千斤淺引。所用淺引並所得淺數俱著奏

聞。○又定。

盛京酌派滿洲兵四千。甯古塔滿洲兵四千。烏拉打牲滿洲兵二千。十人立一長。四十人為一夥。所得之淺分別多寡美惡折給銀兩。著該將軍選上淺一百斤。次淺九百斤。解交內務府。其餘折給銀兩。

盛京滿洲採獲上淺者。每斤折銀二十二兩。惡者折銀十四兩。甯古塔烏拉滿洲上淺。每斤折銀

二十兩。惡者折銀十二兩。收淺之時。由戶部奏派堂官一員。帶幹員四人前往。會同該將軍烏拉總管。公同驗收。其折給銀數。淺數。均開入原執淺引。鈐用將軍總管印信。交派往大臣收納。

○雍正元年奉

旨。採淺雖經嚴禁。盜窺究不能除。與其肆令盜窺。莫如定制收課。欽此。遵

旨議定。烏蘇里。綏芬等處。有自備資斧採淺者。無論旗民。每票交

上用淺二兩五錢。徵銀十二兩。每淺一斤。徵收稅銀

二兩五錢。汪清等邊外。額爾敏。哈爾敏。額赫諾。殷薩音諾。殷等附近地方。有願自備鞏馬採挖者。每票交

上用淺二兩五錢。亦徵銀十二兩。無力之人不能遠採。免其交淺。仍徵收銀六兩。每淺一斤。仍徵稅銀二兩五錢。十人一長。五十人一領首。互相連保。將領票人數姓名旗分佐領住居註冊。按冊收稅。其印票一萬二千張。

盛京六千張。額爾敏。哈爾敏等處二千張。吉林烏拉。甯古塔。四千張。○二年議准。每票一張。交銀

四兩。淺二十四兩。額爾敏。哈爾敏附近地方。負載徒行之人。每票一張。徵銀二兩。淺二兩。○又定。額爾敏。哈爾敏等處。每票一張。亦照各處交銀四兩。上等淺二十四兩。○四年議准。烏蘇里。綏芬。向例每票一張。取淺二十四兩。銀四兩。嗣後免其交銀。俟採還時。每票收淺二十六兩。奉天免取淺二兩。還時。每票收淺二十四兩。○八年奏准。烏蘇里。綏芬等處。淺山。招商創採。給票一萬張。隨身紅票十張。令商人雇夫一萬名。每票一張。收淺十六兩。十兩交官。六兩給商作本。

所給淺票。如不敷需用。再行添給。餘賸送部查銷。○又奏准。烏蘇里。綏芬等處淺山。刨採二年。停歇一年。其停歇之年。刷印淺票二千張。於額爾敏。哈爾敏。淺山刨採。○乾隆二年奏准。每票一張。應交官淺十兩。淺商收本淺六兩。餘淺留給領票之人。如刨夫售賣。淺商多收。均著該將軍。巡查御史。指名參處。官淺不敷。著落淺商賠補。○三年奏准。每票一張。收淺四兩。票銀四兩。其票銀解交

盛京戶部充餉。如有賸票。送部查銷。○四年奏准。

烏蘇里綏芬等處。因原定淺票一萬張。未能照數放給。嗣後仍照原議。擬定一萬張。以八千張作為定額。二千張以備不敷之用。如放不足數。著落該商賠補。○九年奏准。淺票一萬張內。額票改為六千張。交商辦理。○又奏准。淺票改為官辦。嗣後官雇刨夫。於各項備存銀內。幫給刨夫銀兩。每票交淺十兩外。將所得餘淺六兩。抵還幫給刨夫。以及各項公用款項。其每票所收淺六兩。仍解交內務府。以作抵補之項。除官淺商淺外。所獲餘淺。仍聽刨夫變賣。再支給淺票。

仍照舊刷印一萬張。內額票六千張。將三千五百張交

盛京將軍。其一千五百張交吉林將軍。一千張交甯古塔副都統。會同派往各官辦理。其餘四千張。

盛京存儲二千張。吉林存儲一千張。甯古塔存儲一千張備用。○又奏准。

盛京吉林甯古塔等處行放淺票。因召募商人承辦。私弊較多。官票放不足額。嗣後改官雇刨夫。並選派京員前往幫辦。無論旗民。均准給票刨

採。○又議准烏蘇里等處收漚。改歸官辦。或開二年。停止一年。或連創三年。歇山一年。皆令

盛京將軍。吉林將軍。甯古塔副都統。會同商酌辦理。○十年奏准。公用漚與官漚。仍交內務府查收。○又奏准。奉天地方。創夫領票。創漚。向係一票一人。交漚十六兩。今請酌改一票三人。收漚十三兩。以十兩交官。二兩作為公用。一兩賞給保人。其餘漚即作為創夫行裝之用。所有動撥庫銀倉糧。官為幫給之處。即行停止。再安設卡倫官兵公用等項。仍應遵照原議。酌量動撥備

存銀兩。以資辦公。至公用漫與官漫。仍解交內務府查收。○又議定。

盛京吉林甯古塔三廠商買官票餘漫。前赴漫局呈明。交納紅票銀兩。先令刨夫議定價值。始赴漫廠呈明字號漫數。查對相符。本廠登記。俟其賣完。傳集商人復行查對。收稅票銀。將商人姓名及所買漫斤泡丁蘆鬚數目。填寫紅單。用印包封入櫃。雇車交委解人員。分撥起解。其有未及賣完者。俱在二撥起解。如未經赴廠呈明登記。雖係正票餘漫。查獲亦應入官。免其納稅。○

十一年奏准。打牲處總管。每年派官二員。兵三百名。前往挖取官蕩。○十五年議准。烏拉地方捕牲壯丁。採取人蕩。有名無實。嗣後採蜂蜜三百戶。停其採蕩。○二十一年議定。凡採取官蕩之人。各給印票。上三旗人。用戶部內務府印。下五旗人。用戶部印。該管主編號給票。以便稽查。○二十三年奏准。

盛京吉林二處蕩票。酌中定數。由部刷解四千張。回山照票四千張。引票八張。實力散放。如有餘賸。送部銷毀。○又議定。

盛京吉林陸路淺票。三人領票一張。帶馱三分。米六市斗。水路淺票。亦係三人領票一張。帶小船一隻。米一石八斗。每票俱收淺六兩。銀六兩。所收銀兩。給予保票之人。所收之淺。以五兩交官。一兩作為公用。仍將公用淺與官淺。全行解交內務府查收。其公用淺一兩。折銀五兩。由

盛京戶部領回還項。○又議准。商人承買刨夫餘淺。從前由甯古塔至

盛京者。每斤交引票銀四兩。由

盛京至山海關。京城者。每斤交引票銀二兩。今

盛京吉林二處放票收淺。即在本處徵收。吉林距甯古塔附近。

盛京距吉林附近。由吉林至

盛京者。每斤收引票銀二兩。由

盛京至山海關。京城者。照舊每斤收銀二兩。代為納稅雇車。餘贖作為公用。○二十四年奏准。

盛京距吉林甚近。二處可同放淺票。○又奏准。本年放票收淺。除派京員外。仍令奉天府尹會同辦理。○三十二年奏准。近因

盛京採淺。山場漸遠。產淺稀少。創夫每票三人。隨

帶黑人甚衆。請酌改每票一人一駄。令各交淺五錢。毋許朋充。並發給淺票五千張。自三十三年為始。試放一年。果否著有成效。再將實在情形具奏。○又奏准。

盛京淺票。每票一人一駄。交淺五錢。以十張淺票收官淺五兩。其扣算公用。以二張淺票收淺一兩。仍照前例折銀五兩。作為公用。○三十五年奏准。烏蘇里綏芬。印給淺票一萬四千張。護牌八張。英額嶺東山二千張。護牌二張。羅拉米瑪延山四千張。護牌二張。由山回票共三萬張。黑

龍江所屬蒙古魯山。試放濩票五百三十九張。俱一票一人。交濩五錢。○四十二年奏准。吉林甯古塔等處行放濩票。向係一票一人。交官濩五錢。今創夫夾帶黑人。放票日少。濩斤不能充裕。改為一票四人。交官濩二兩。或有創夫情願多帶人夫者。即作為餘夫。於票尾註寫姓名。每名交濩五錢。其創夫給保人銀兩。按人數計。每人給銀一兩。○又奏准。吉林頒發官票二千五百張。以二千張暫為正票。以五百張暫為餘票。甯古塔官票一千五百張。以一千張暫為正票。

以五百張暫為餘票。於四十三年起。試放三年。如有正票之外。多放餘票者。即予議敘。如正票不能放完者。叅奏治罪。至三姓。伯都訥。阿爾楚喀。三處放票。照每年銷票之多寡。以定責成。三處副都統。令其儘力銷放。創夫回山時。實力督催。仍將放票多寡之處。開單具奏。○四十七年議定。

盛京吉林甯古塔三處。每年部發護票。照各省繳鹽茶殘引之例。俟各處解到之日。隨時捆包秤定。開明斤數。移交內務府。○五十五年奉

旨。每年行放淺票。雖難以豫為定額。亦未便支領過多。去年領票五千張。僅放票二千三百三十餘張。著交該部。嗣後給發淺票。交各該處。每年所需之數。十分之內多備二三分辦給。毋得餘積過多。欽此。遵

旨議准。

盛京等處淺票五千張。酌減二千張。回山照票五千張。亦酌減二千張。吉林等處淺票四千張。酌減一千張。回山照票四千張。亦酌減一千張。○又議准。

盛京吉林二處繳回淺票。解交崇文門變價。其變

價銀兩。交內務府查收。○五十八年奏准。黑龍江所屬蒙古魯山。歇山。已經數載。本年仍應放票。由吉林羅拉米瑪延。漫票內。填寫放給。次年再請領票。○五十九年奏准。吉林散放漫票。令該將軍副都統。勸諭招徠。毋任官為勒派。俾領票人等。踴躍從事。漫票以五百張為率。定為試放之數。如創夫願多領票。量加增放。其甯古塔放票。查照吉林章程辦理。○嘉慶四年奏准。吉林每年放給創夫票。約二百張。放給燒鍋人等票。約一百五十張。嗣後吉林原放漫票五百張。

酌減五十張。伯都訥原放票三十四張。酌減四張。阿爾楚喀原放票二十九張。酌減四張。三姓原放票三十六張。酌減六張。○又奏准。

盛京行放淺票。近因山路漸遠。刨夫無力入山。於原放票一千九百四十六張中。酌減一百九十四張。以一千七百五十二張為額。至燒鍋領票。究非例設。即行查禁。○又奏准。吉林開設燒鍋之人。與刨夫熟識。力能幫貼刨夫口糧。責成通融辦理。○六年奏准。酌減。

盛京吉林二處淺票。自嘉慶七年為始。

盛京等處酌減五百張。發給二千五百張。同山照票二千五百張。護牌四張。吉林等處酌減二千張。發給一千張。同山照票一千張。護牌十二張。酌減四張。發給八張。如行放漸多。報部請添。○又奏准。吉林放票五百張。內減票三十五張。印票三張。甯古塔放票二百一十張。內減票十四張。印票一張。作為定額。○八年奏准。吉林護票。仍准四人一票。○十年奏准。

盛京挖淺刨夫。每票一人。礙難辦理。准其攜帶炊爨人四名。○十四年奏准。吉林餘淺較多。請量

為減收。漫餘銀兩。每上漫一兩。收銀十四兩。中漫一兩。收銀十兩。次漫一兩。收銀六兩。如遇餘漫少出之年。仍照舊增收。以二十兩作為定額。○十五年奏准。吉林漫票。以四百六十五張作為定額。○又奏准。吉林漫票。每創夫四名。領票一張。交漫二兩。或有情願自帶炊爨人者。至多不過五六名。免其按名交漫。此外再有多帶之人。作為餘夫。每名交漫五錢。歸入額漫項內。儻交漫虧缺。即以正身創夫餘漫代交。○又奏准。官漫到局。先令局員認看。將軍。副都統。府尹。侍

郎公同挑選足額。各按各界。分包黏貼印花。派員解京。其餘仍照舊令商人認買。○又奏准。吉林等處。邊局所收商人繳過邊餘銀兩。令於放竣之日。將所收數目報部。並令山海關副都統監督等。於該商進關時。將所報交過邊餘銀數。及餘邊銀兩。係何成色。詳細造冊報部。儻成色銀數不符。由戶部奏明查辦。○又奏准。

盛京包門人等。承領燒鍋邊票。招攬刨夫。出邊採挖。嗣後照吉林之例。令局員地方官。取具的保。充作攬頭。革除包門名色。每年放票。仍令燒鍋

承領出銀。屆時攬頭攜帶刨夫。入山採淺。儘數封送到局。攬頭交納官淺足額。餘淺令售與商人。不足者。令其賠補。其有經理不善。責令局員會同旗民地方官另行召募。毋庸釐定額數。○又奏准。吉林淺局。協領等官四員。其散放票張。挑選官淺。經手出納錢糧。向係掌關防協領。並領事書吏經手。嗣後令經管各員。公同商辦。每年解淺進京。輪流齎送。屆滿三年。即行更換。仍留曾經解淺者一員。以資熟手。再過一年更換。嗣後書吏設經承二名。貼寫八名。專辦文移稿。

案。並令該管局員嚴查。經承已滿五年。不得復在局中。包攬各項差使。○又奏准。吉林濩票。令該將軍等設法實放。並廣募刨夫。照例接濟。仍著落殷實鋪戶作保。嗣後如官募刨夫較多。其燒鍋幫辦票張。及濩餘銀兩買補之項。隨時逐漸議裁。○又奏准。吉林等處裁種秧濩。現經嚴禁。第恐日久懈弛。復又潛藏栽養。責成將軍。副都統等。於每年春夏之間。派令幹員帶同兵役。入山嚴切按查。並將派出弁兵花名。按年造冊。報部查覈。○十六年

諭嗣後盛京吉林甯古塔等處應解官漕著以人漕七成。泡丁三成爲準。照數收解。該將軍等務覈實督辦。毋任局員等稍滋弊混。致有短缺。○又

諭向來吉林動用漕餘買補額漕。係爲官漕交不足額而設。上年商買餘漕多至數倍。是所產未嘗不豐。如果廣募創夫。何至官漕短絀。轉向商人購買足額。其中即難保無影射情弊。嗣後該將軍等於官漕額數。務須遵照奏定章程。實心經理。不得恃有漕餘買補。轉致官漕短絀。自干咎戾也。○十七年奏准。嗣後送京漕枝。務令各該局揀選上等好漕解送。其商

買餘漫。仍俟官漫解到。選驗成色足額。知照該將軍。副都統。後方准將餘漫給商。進關售賣。如漫枝碎小。成數不足。即調取商漫驗看。儻比官漫較優。即將該承辦局員嚴叅懲辦。○道光十年

諭福克精阿奏酌擬辦理吉林甯古塔臥票漫價銀兩一摺。吉林甯古塔漫票內有臥票。向例令攬頭等於年前先交官漫。俟來春漫商購買餘漫時。抽收銀兩。茲據該將軍查明。道光八年吉林臥票。因無漫商前來購買。攬頭等又不能及時交納。飭令赴蘇售賣。以

致輾轉拖延。始歸原款。本年甯古塔臥票三十六張。淺價銀八千一百三十六兩。已照新改章程。豫為發給。其吉林臥票一百十五張。自未便先行發給。以致再有遲延。著照所請。除甯古塔臥票。業經發給攬頭外。其吉林本年臥票。仍照向例。令攬頭等於年前先交官淺。俟來春淺商起程時。一面發給淺價。即便抽收淺餘歸款。以重庫項。○十六年議准。

盛京每年應放淺票。按照各城燒鍋座數。責令承領。每座五張。毋庸津貼外。其放不足額之票。隨燒鍋座數。均勻承領採辦。每座給票二張。每票

給銀七十五兩。在於船規項下動支給發。以資津貼。按年造冊報銷。○二十六年奏准。

盛京額放淺票一千七百五十二張。內除向有津貼票五百九十一張。全行裁減。毋庸津貼採辦外。其奏定每年額票一千一百六十一張。該將軍等責令採辦淺票五百八十兩五錢。內以人淺八成。泡丁二成為準。其人淺八成。揀選貢淺九十六兩。官淺三百六十八兩四錢。二成渣泡一百十六兩一錢。嚴飭刨夫採取肥壯充足上等山淺。不得以秧淺籽淺充數。儻解到官淺不及

成數。照例將承辦人員議處。並將不及成數之
漫。仍令原解官齎回。按照例價勒限追繳。○咸
豐九年

諭。戶部奏遵議。夔關攤繳漫價一摺。此項攤繳漫價。前
經內務府奏請。准其作正開銷。茲據該部奏稱。夔關
稅銀。向為支發兵餉之用。若有動缺。恐不敷支放。是
以前議令其繳回正稅。自行籌攤。惟據該督王慶雲
奏稱。近年稅務減色。若再令該關繳還。未免賠累。可
否免其追繳。請旨遵行等語。所有咸豐五、六、七等年
已繳漫價。准其作正開銷。毋庸追繳。其自八年起。著

即照向章二千四百餘兩之數。由該關自行籌解。不得仍動正項。

關汛巡防。○康熙二年奏准。每年四月八月採
淺時。應行派兵巡捕。著交鎮守直隸奉天等處
將軍。奉天府尹直隸順天等八府。一體嚴行傳
布。○又奏准。採取官淺。由工部將山名人名造
冊。給予執照。遣往。令邊門章京親身驗放。將人
數出何處邊門採取之處。由該部官繕明。豫咨
奉天將軍。定日給予執照。照數驗放出邊。○又
奏准。三旗包衣採淺人採獲之淺。由

盛京戶部咨送戶部。將斤數繕明印記。咨送山海關城守尉過秤放入。○十年奏准。鳳凰城靉哈新城。

興京等四處。駐有官兵。安設邊界。巡察私挖人蔘等弊。鳳凰城章京三員。兵九十六名。

興京章京三員。兵四十七名。兩處相距四百餘里。各駐章京二員。兵五十名。自

興京至開原邊牆盡界。三百餘里。令駐章京二員。兵五十名。將此三處兵丁內。設領催四名。分派地方。照前免其創溝。樹立界木。不時追蹤緝捕。

○十六年議准。奉天出派領催一名。兵十四名。興京出派領催一名。兵十四名。均於八月二十日往夾木產地方巡查。自夾木產至英額。往返緝拏。其至夾木產之日。於樹上編記。鳳凰城官兵亦至夾木產查蹤。各照編記為界。○十七年奏准採護人等行走。

興京英額夾木產。遼陽等四門。設瑪法二員。筆帖式一員。門兵十名。查看執照。計數放出。○四十五年議准。

盛京古河卡倫一座。官一員。兵二十七名。觀音嶺

卡倫一座。官一員。兵十名。永甸卡倫一座。官一員。兵二十名。土門卡倫一座。官一員。兵二十名。長嶺子卡倫一座。官一員。兵二十名。○又議准盛京邊外。輝發三桐河口。三桐渡口。坦品河。費德里薩哈連浪土。福爾兼哈達。嘉勒圖庫。伊米孫薩哈連費音。朱爾和阿師哈東。阿看船溝。鴨爾河。果河等處。安設卡倫。出派協領。城守尉等。追蹤緝捕。○五十一年議准。

盛京三桐口卡倫。佐領一員。兵二十名。費德里卡倫。驍騎校一員。兵二十名。薩哈連浪土卡倫。牛

衆章京一員。兵二十名。費德里薩哈連浪土之
閒卡倫。驍騎校一員。兵二十名。此四卡倫。由副
協領稽察。○五十二年議准。鳳凰城城守尉。每
年出派官二員。領催二名。兵十八名。於二月初
五日。至靄哈所屬古山子樓房。安設卡倫一座。
遼陽城守尉。每年出派官二員。領催二名。兵十
八名。至

興京書和羅嘉產邊門所屬肥子玉臺二處。安設
卡倫一座。

興京城守尉。出派官二員。領催二名。兵十八名。至

噶三和羅佛鈕安設卡倫一座。石頭城湯保城。係鳳凰城所屬之地。出派官二員。領催二名。兵十八名。設卡倫一座。稽察出入。俱於七月內更換。○五十四年議准。五圍堡等沿邊安設三十卡倫。火長副長等。於三屯河等分界之內。陸續出派巡查。○六十年議准。開原出派官二員。領催二名。兵十八名。出英額邊門。

興京出派官一員。領催一名。兵九名。出

興京城邊門。遼陽城守尉並隨帶領催一名。兵四名。又出派官三員。領催三名。兵二十七名。出書

嘉木產邊門。熊岳出派官二員。領催二名。兵十八名。復州出派官二員。領催二名。兵十八名。岫巖出派官一員。領催一名。兵九名。鳳凰城出派官一員。領催一名。兵九名。俱出靉哈邊門。每官跟役四名。一卡之領催兵丁作為跟役。均於七月十五日遣往。○又議准。領催一名。兵四名。跟役四名。往土門子坐卡。領催一名。兵九名。跟役五名。往永甸坐卡。領催一名。兵九名。跟役三名。往寬甸坐卡。領催一名。兵九名。跟役二名。往三叉子坐卡。領催一名。兵九名。跟役二名。往八道

河坐卡。領催一名。兵九名。跟役三名。隨甲一名。往長嶺子坐卡。各派領催一名。兵九名。跟役二名。俟坐卡領催到日。由該邊出派知路兵丁。各送往所指之卡。○又奏准。沿邊舊設卡倫三十座。裁去三分之二。令熊岳城佐領作為頭目。○

雍正元年奉

旨。著將冗卡議裁。欽此。遵

旨議定。裁撤輝發三桐口等處所駐卡倫。其柳葉畢勒根邊臺官兵。仍加嚴肅。並查明烏喇吉林一帶所設卡倫。應駐紮者。令其駐紮。應除者。均行裁

撤。拉林馬匹等處。向來禁止不准窆薄。仍令官兵駐卡。嚴查緝捕。跟蹤獵獸。烏蘇里。綏芬等處。仍由甯古塔官兵駐卡。嚴查緝捕。○又奏准。自山海關東北六十里之綴子山起。至鳳凰城沿邊。共一千八百餘里。隨口十二大門。三小門。每大門派章京一員。筆帖式一員。兵三十名駐守。每小門。派門官二員。筆帖式一員。兵十名駐守。臺卡丁夫。一里餘派一名。共臺丁一千五百名。沿邊二十里間可耕之處。分臺丁二三十名不等。兩邊口間。安臺二三四五座不等。設寨窆壑。

自五原堡南至英額汪清嘉纏愛漢鳳凰城柳
條邊口七百餘里。每門派官兵看守。一里餘派
臺丁一名。共六百餘丁。兩邊口閒安臺二三四
五座不等。○又議定烏蘇里綏芬及汪清等邊
外。有自備資斧牽馬挖濬者。無論旗民。每十人
一人為長。每五十人一人為領首。互相連保。註
冊收稅。○又定。由

盛京甯古塔遼派協尉各一員。章京各四員。兵各
八十名管理。由額爾敏哈爾敏等處。遼派協尉
一員。章京二員。兵四十名管理。編隊前行。出武

威邊門守門章京會同前往協尉章京按冊對照採獲人文票逐一照數點放將冊並送吉林烏喇將軍前往辦事科道照數放過至甯古塔時甯古塔副都統會同二處協尉章京照冊驗票點放差往烏蘇里綏芬採獲兩處協尉仍駐下多雍武哈達嚴行緝捕無票盜獲匿獲私逃之人○又議定墨爾根城綏楞額山喀木尼哈達等二處地方設立臺卡每臺設官一員兵九名○又定黑龍江城訥謨爾河地方設立臺卡官一員兵九名○乾隆元年議定呼蘭城綽羅

口布爾噶賴峪白楊樹努敏河口等四處地方。設立臺卡。官一員。兵九名。○十年議定。三姓地方。挖遼人夫船隻攜帶米糧。由官稽查驗放。於黑龍江界內瓦里城。設立臺卡一座。派官一員。兵十名。自四月駐卡。驗放各城水路領票人夫船隻。俟船隻過完。於七月撤回。○又定。

盛京所屬之威遠堡二十里外。並吉林所屬之鎮北堡大路。常設臺卡。每卡官一員。兵十名。每月更換。○又定。吉林城東附近遼山額赫木地方。常設臺卡。稽查領票採遼人夫。多挾米糧。官一

員。兵十名。每月更換。○又定。吉林城東南沿松花江岸。附近淺山登灘輝發地方。常設臺卡。稽查驗送盜淺人等糧米。官一員。兵十名。每月更換。○又定。每年十二月。特派協領一員。官三員。兵三十五名。於河道稽查領票挖淺人夫。多挾米糧。至河冰解凍時撤回。○又定。吉林附近淺山之平頂山白石立發蘇爾濟覺哈舒爾哈等六處。設立臺卡。官一員。兵十名。每年自四月初一日起派。每兩月更換。至十月初一日撤回。○又定。吉林所屬打牲烏喇地方。附近淺山之四

道梁子。喀薩里。那木唐阿長嶺子等四處。設立臺卡。每卡官一員。兵十名。每月更換。○又定甯古塔城西。當衝德林地方。設立臺卡。官一員。兵十二名。每月更換。○又定甯古塔城東。呼爾哈河下游通三姓路。烏赫林。伊車地方。設立臺卡二處。每卡官一員。兵十二名。於河冰凍時撤回。○又定甯古塔南通琿春大路。瑪爾胡哩薩齊庫穆楞等處地方。常設臺卡三處。每卡官一員。兵十二名。每月更換。○又定甯古塔城西南。阿布畢爾騰地方。於霍真。松蔭。噶拉庫三處。設立

臺卡三座。每卡官一員。兵十二名。於冰泮時撤回。○又定甯古塔城東通產漫烏蘇里山路。上西聶赫等處地方。常設臺卡二座。每卡官一員。兵十名。每月更換。○又定甯古塔所屬附近漫山之白河。呼什喀爾倭嫩。倭楞噶斯哈花蘭鄂勒渾噶爾翰多雍武。呼蘭吉塔克通吉等十處地方。設立臺卡。每卡官一員。兵六名。每兩月更換。○又定伯都訥城西北。松阿哩嫩。江厄克沁。舒魯齊。多歡。哈斯保地方。每年冰解時。派官一員。兵十名。坐卡。每月更換。冰凍撤回。○又定伯

都訥城東北。產蕩之烏蘇里。綏芬山。通松阿哩
江路南岸。當吉地方。派官一員。兵十名。常川坐
卡。每月更換。○又定。伯都訥城東北。鄂齊爾渡
口。每遇採挖官蕩之年。加派官一員。兵十名。駐
卡。每月更換。俟刨蕩人夫經過撤回。秋後查拏
逃入偷挖人蕩人等。照舊仍派官兵駐卡。○又
定。伯都訥城東北。八間房地方。設立臺卡。官一
員。兵十名。稽查盜出官蕩。每月更換。○又定。伯
都訥城東南。富勒堅雅克薩地方。於每年二月。
派官一員。兵十名。駐卡。每兩月更換。○又定。伯

都訥城東南甯山嶺地方設立臺卡。官一員。兵
十名。每月更換。○又定三姓路通甯古塔之烏
斯渾河地方。常設臺卡。官一員。兵十名。每月更
換。○又定三姓松阿哩江上游瑪顏地方。設立
臺卡。官一員。兵十名。每月更換。○十二年奏准
額赫木驛站。係在甯古塔吉林之間。稽查偷挖
人蔘緊要隘口。原設卡倫一座。地方遼闊。添設
卡倫二座。以資防範。○十七年議定通阿勒楚
喀路之松阿哩河上游北岸錫北河口。設立臺
卡。緝查偷出官蔘。官一員。兵十名。常川駐卡。○

二十年議准。吉林甯古塔。伯都訥。拉林等處。於
緊要隘口。安設卡倫。創濩之年。出派官兵。早為
起程。徹底按查。果無偷避。出山過冬人犯。行令
俟本年放票收濩事竣後。報部。○二十三年議
准。

盛京。吉林二處。出派卡倫官兵。於三屯河。羅泉溝。
教哈。祥瑞河等處。緊要隘口。俟創夫回山之日。
防範監查。不准開包。即將所採之濩。封固。各送
將軍衙門查收。○二十四年定。阿勒楚喀城。西
南。吉林當衝之多歡。墨蘭二處。設立臺卡二座。

每卡派官一員。兵十名。每月更換。○又定。阿勒楚喀城東北。三姓當衝之斐克圖地方。設立臺卡。官一員。兵十名。每月更換。○又定。阿勒楚喀地方。附近。淺山之斐克圖口。佛多和。海溝。鄂勒渾。阿勒楚。庫翰。額木山等處。設臺卡五座。每卡官一員。兵十名。兩月更換。○又奏准。三姓地方。驗放領票。挖淺人夫船隻。於翁薩口設立臺卡一座。官一員。兵十名。駐卡驗放挖淺人夫船隻。過完撤回。○二十五年議定。三姓烏蘇里。綏芬等山。所有相通要路。俱添臺卡。除烏斯渾舊有

一卡外。於斐遙屯河。佛勒和烏珠遇蘭法勒圖
渾河渡口。及圖雅齊音達木溪音達木厓並路
通羅拉米瑪延山之錫芬河郭布齊喜吉蘭等
九處添設臺卡。以上九卡。每卡官一員。兵十名。
惟音達木厓一卡。不時緝查松阿哩河下游赫
哲色地方盜獲人等。永不撤回。常川駐卡。其餘
八卡。自二月起分駐。俟秋後完獲人夫全行過
完時撤回。○三十三年奏准。吉林呼蘭河直通
出邊之大寧山。小寧山。髮山等處。於努敏口呼
蘭河之東南。添設卡倫一處。布勒扎木地方。添

設卡倫一處。○三十五年奏准。呼蘭蒙古魯等
漫山。改歸吉林甯古塔行放漫票以後。將挖漫
人犯行走之緊要隘口。再行添設卡倫。嚴行查
拏。再舊設卡倫八座。係出青時設立。雪後撤回。
嗣後新舊卡倫。俱毋庸撤回。○又議定。三姓地
方。松阿哩河下游北岸通蒙古。於團河口設立
臺卡。官一員。兵九名。河凍泮時駐卡。秋後冰凍
撤回。○三十九年議准。布勒扎木地方。設立臺
卡。官一員。兵九名。○四十二年奏准。吉林等處
漫山。除烏蘇里綏芬漫山水陸兩路卡倫。毋庸

添設外。惟英額達巴汗羅拉米瑪延淺山。有與
小路相通。卡倫寫遠。並有形勢未能聯絡者。再
添設卡倫數座。以備稽查。○又奏准。吉林等處
黏貼淺包。酌改將軍印花。先時發交各卡倫。以
備黏封。餘賸交回。並註明各卡倫名目張數。另
立號簿覈對。於交淺時查驗印封。至創夫回山
時黏貼印封。俱歸各卡倫辦理。所有臺座。除押
送回山創夫外。概不准黏貼印花。○四十四年
議定。吉林所屬鎮北堡臺卡。移紮二道河地方。
稽查盜淺。官一員。兵十名。每月更換。○四十七

年奏准。吉林英額嶺小山。西南與

盛京接壤。東北與羅拉米瑪延小山接壤。羅拉米瑪延小山。與三姓所屬烏蘇里等大山接壤。現將吉林甯古塔三姓等處大小山口堵塞。於百里附近要處地方堵閉。永遠安設卡倫。其添設卡倫。原係三月安設。十月撤回。嗣後遇歇山之年。將添設卡倫照常安設。令吉林甯古塔三姓每處協領章京二員。率兵分路往返嚴查。並令各處副都統等率領官兵。不時親赴嚴查。○又奏准。專派總統查拏之官兵。與各卡倫官兵。酌

定懲賞。以分功過。○又奏准。歇山之年。嚴飭漢山附近邊門文武官員。於各邊門設一木牌。開寫本處門名。交與驢緝兵丁。各持照牌。赴至交界。當面畫換。仍將畫換照牌。交該門官員查驗真偽。並令該門官員。不時親赴往返巡查。○又奏准。額爾敏哈爾敏漢山。歇山之年。派員親往山林。率領幹員兵丁。徧行按查。○又奏准。嗣後創採歇山之年。舊有卡倫。照常安設。各該卡倫官兵。果有實力拏獲越邊運糧偷竄之人者。將該犯米糧牲畜等項。即行獎賞原拏官兵。○又

奏准。巡查卡倫。以及坐卡官兵。給發照牌。輪流更換。並令具結呈報。各該副都統協領等。每月彙具加結。咨報將軍衙門。○又奏准。歇山之年。秋令出派管轄番役官員。於四柳條邊門。另派官兵。於城牆周圍緊要隘口等處。分往查拏。○
嘉慶十五年奉

旨。每年奉天巡查海口。僅由將軍府尹前往。仍恐不免疏漏。著該將軍奏明。請派盛京侍郎一員。帶領協領一二員。前往查緝。如拏獲私渡。即著該侍郎具奏。將該侍郎及協領一併議敘。其山東海口。專

令登州總兵巡緝。亦尚未周。著添派登萊青道會同稽查。如拏獲私濩上岸。即報明山東巡撫具奏。濩斤解京。將該鎮道議敘。並將派查之盛京侍郎協領等官議處。○又

諭福疆阿等奏請派侍郎巡查海口私濩一摺。已派崇祿去矣。至另片所稱酌度總會地方。請令派出之侍郎前往駐紮等語。奉省海口共有二十餘處。地面既屬遼闊。各處皆可透漏私濩。奉派之侍郎挨次查閱。固不免顧此失彼之虞。若專在總會處所駐紮緝拏。則姦徒蹤跡無常。更恐巧於趨避。殊非嚴密躡捕之

法。自不若隨時相度緊要地面。往來移駐。令姦徒無可揣測。自然疑懼不前。仍分派協領各員。於各海口。梭緝巡查。一有拏獲。即嚴行辦理。並督飭稽查海口旗民地方各官。實力緝拏。令將稽查情形具文呈報。隨時考覈。其有拏獲私濩等項。究明係何處偷越。即將失察之該管官。嚴叅示懲。俾各處咸知認真緝查。庶足以儆姦商而杜偷漏。至該侍郎移駐巡查之期。亦不必過於太遠。約駐兩三月後便可回任。飭令各該處官員。毋稍疏懈可也。○又奏准。濩山隘口。設立卡倫。原為稽查出入創夫。以杜黑人混雜。不准

私減。並令守卡各員。於刨夫進山時。查驗腰牌印票。按名點放。出山時。仍造冊呈報。以出山進卡之夫。與出卡進山之數。兩相覈對。○又奏准吉林等處。遇拏獲偷挖私濫案犯。或並無獲犯。山內亦無私栽刨挖等弊。於查山事竣。將經過山地名目。查緝情形。按年彙奏一次。○道光十三年議准。吉林濩局。歸副都統總辦。每年於濩苗喫緊之時。親往山場。與各城副都統會哨。實力按查。如有秧種情弊。從嚴懲辦。事竣彙奏銷。